



ELEVREGLEMENT VED SUND KULTURSKULE

Undervisning

1. Den årlege undervisninga for Sund kulturskule følgjer eiga skulerute, som er på 38 veker og kan avvike noko i detalj frå skuleruta på den enkelte grunnskulen. Undervisninga føregår til vanleg måndag-fredag, men kan i somme høve bli lagt som helgeseminar. Undervisningsåret er delt i to semester.
2. Konsertar o. l. er ein del av undervisninga ved Sund kulturskule. Eleven har difor plikt til å delta på slike etter avtale med lærar.
3. Dersom ein elev må vere borte frå kulturskulen meir enn to undervisningstimar, skal eleven gje melding om dette til kulturskulen.
4. Ønskjer eleven og/eller føresette å ta opp saker som vedkjem undervisninga, skal dei gjere dette gjennom læraren først.
5. Eleven har plikt til å møte presis og vel førebudd til timen.
6. Elevane må til kvar tid rette seg etter det ordensreglementet som gjeld på den skulen der undervisninga finn stad.

Elevplass

7. Søknad om opptak skal sendast til Sund kulturskule på elektronisk søknadsskjema. Søkjarar kan få hjelp til dette på biblioteket eller kulturkontoret. Sund kulturskule tek atterhald om at enkelte kurs kan falle ut.
8. Dersom det er fleire søkjarar enn skulen kan ta opp, vil det bli teke omsyn til:
 - alder
 - ansiennitet
 - innsatsvilje
9. Ein elevplass ved Sund kulturskule blir tildelt til ein elev ved eitt kurs. Elevplassen kan ikkje overførast til ein annan person eller til eit anna kurs. Eleven kan ha plassen inntil den blir oppsagt (sjå vidaremelding nedanfor).
10. Dersom elev- og undervisningsreglement blir oversett, eller ein elev viser ei framferd som hindrar arbeidet i kulturskulen, kan rektor etter samråd med lærar utvise eleven for kortare eller lengre tid. Kontingenten blir ikkje refundert for elevar som er blitt utviste. Dei føresette skal på førehand ha blitt informert om saka, og dei kan anke avgjerda (forvaltningslova, kap VI).

Vidaremelding

11. For å overføre ein elevplass eller plass på ventelista til eit nytt skuleår, må eleven meldast vidare. Det blir sendt ut e-postmelding om dette (elektronisk lenke) om våren. Er eleven ikkje meld vidare innan oppgitt frist, blir det oppfatta som oppseiing.

Betaling

12. Kontingent skal betalast på forskot. For å unngå å betale for ein ubrukt elevplass for vårhalvåret, må plassen seiast opp seinast 1. desember.
13. Elevane må sjølv kjøpe det materialet dei får bruk for. Undervisning i større grupper som kor, korps o.l. kan vere unnateke frå denne regelen.
14. Dersom tvingande grunnar - t.d. flytting frå kommunen eller lengre sjukdom, dokumentert med legeattest - hindrar eleven i å møte til timane, kan ein søkje om å få refundert kontingent.
15. Det blir ikkje gitt moderasjon i kontingent for fridagar, feriedagar og planleggingsdagar. Det blir heller ikkje gitt moderasjon for timar som eleven ikkje brukar, og læraren er ikkje forplikta til å ta igjen slike timar.
16. Det blir gjeve 20% søskenmoderasjon for første søsken som er med i kulturskulen. For fleire søsken blir det gjeve 30% moderasjon pr søsken.
17. Dersom timar blir avlyste av Sund kulturskule, er skulen ikkje forplikta til å ta igjen desse timane. Timar som blir avlyste kan gje redusert kontingent dersom timane utgjer ein stor del av undervisninga.
18. Kommunestyret kan i samband med budsjettbehandlingsprosessen endre kontingentsatsane. Dei nye satsane blir kunngjort på Sund kommune si nettside i januar, med ein frist på 15 dagar for å seie opp elevplassen.
19. Manglande betaling blir behandla som oppseiing frå det tidspunktet den ubetalte fakturaen blir sendt til inkasso. Eleven mister plassen sin ved Sund kulturskule frå same tidspunkt.

Oppseiing

20. Elevplassen kan berre seiast opp ved å vende seg munnleg eller skriftleg til administrasjonen ved Sund/Fjell kulturskule. Melding til lærar er ikkje gyldig oppseiing. Oppseiing er først gyldig etter skriftleg stadfesting frå kulturskuleadministrasjonen.